

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

De agendis. Cap. XIX.

[urn:nbn:de:hbz:466:1-69050](#)

rum defraudatam. Quæ peccata maximè detestans, ea
forma dicendi vtetur, ut piorum hominū, præsertim vir-
ginum animi, verborum obscenitate non offendātur. quæ
de re agemus, cùm de elocutione tractabimus. Vitanda
esse dicet leuia, & venialia peccata, quatenus humana
infirmitas patitur, nè paulatim in mortalia incidamus:
addet vitandam esse improborum hominum consuetudi-
nem, nam fieri vix potest, vt qui tangit picem, non inqui-
netur ab ea: vitādam curiositatem, impudentiæ sororem,
vanitatis nutritiæ: vitanda theatra, publica spectacula,
frequentia conuiuia: indè enim sèpè deteriores homines,
atque etiam interdum tristiores solent recedere. Vitan-
dum, de seipso loqui, nisi necessitas cogat, vt fecit inter-
dum B. Paulus ad Corinthios: Ministri sunt, & ego, vt
minus sapiens, dico plus ego.

De agendis. Cap. XIX:

QVIA non satis est declinare à malo, sed Christia-
num hominem oportet agere bonum: hortabitur
Ecclesiasticus orator fideles Christi, ad agenda ea, quæ
lex iubet: legem dictam esse explicabit ab eligendo, eò
quod eligant homines quid agendum sit, aut à ligando,
nè tanquam furentes precipites ruamus. Hanc legis di-
stinctionem interdum afferet, sumptam ex scholasticis
doctoribus: legem aliam esse diuinam, aliam huma-
nam. Diuinam, (vt interim aeternam omittamus, quæ
est summaratio, cui semper obtemperandum est, cuius
quosdam veluti radios mentis lumine cernimus) distin-
guat in naturalem, & posituam: naturalem esse recti-
tudinem intellectus, & primā regulam, à qua omnes res
agen-

agenda regulam accipiūt: cui omnia principia verum a-
gendarū concordant: huic legi dicet parentū: Alteri non
esse faciēdum, quod nobis fieri nolemus: faciendum alijs,
quod nobis optaremus fieri: exclamabit obscurari prauis
consuetudinibus legem naturae, quos dā luporū, vulpium,
& aliarum ferarū mores induere: & quibus valde de-
berent prodesse, illis nocere. Positiuā diuidet, in veterem,
& nouā: veterem legē, nempē Moysis, esse quidem diui-
nam, sed umbram continere veritatis, suisse datā propter
transgressionem, demonstrare peccatum: eius sacramen-
ta significare, sed non continere gratiam: Legem nouam,
hoc est, Euangelicā, continere veritatem et gratiā, quam
sanctissimis sacramētis confert: datum esse propter iusti-
ficationem: ad hoc esse valde vilem, ut peccatum agni-
tum viterur: Appellari verbū fidei, veritatem Dei, scien-
tiā salutis, & cælestē epistolā: hanc diuinitū missam
epistolam, sèpè legendām proponet: sanctissima sacra-
menta, quæ, veluti pharmaca, ad humanas infirmitates sa-
nandas, et instrumenta diuinæ gratiæ & salutis, instituit
Dominus noster Iesus Christus, Rex, magister, & medicus
animatorum nostrarum, docebit esse maximè veneranda.
quo loco interdū dicet esse sacræ rei signa, hoc est, visibiles
formas inuisibilis gratiæ, quibus Christo coniugimur, ve-
luti membra capiti, & sancti efficiuntur. Ostendet pluribus
verbis quemadmodū homo nascitur, crescit, alitur, vale-
tudinē recuperat, postremo eius vires debilitatē reficiun-
tur: ita animam baptismō renasci, Chrysante crescere,
S. Eucharistia, tāquam pane quotidiano, alijs sacramēto
Penitētia sanari: Extrema Vnctioe recreari, ipsiq; faci-
liorē cælestē in patriā aditū patesieri: ad quæ remedia

adhibenda, necessarium esse sacramentum Ordinis, ut ad fomitem carnalis concupiscentia debilitandum, & ad propagandum populum Dei, institutum est ab eodem D. Iesu Christo sanctum Matrimonium. Qua de re sapè sermonem habebit, cùm nihil possit esse populo Christiano utilius, quām scientia & rectus usus sanctissimorum sacramentorum: quo usu, præsertim sanctissime Eucharistie, ille excitatur ad cognitionem innumerabilium beneficiorum, quæ benignissimus pater Deus in nos cōtulit, & confert quotidiè: excitatur ad humilitatem, cùm per visibilia elementa, tantam tamquæ magnam gratiam se consequi animaduertit. Ad gratiarum etiam actionem inflammari potest, cùm sanctissima sacra menta, veluti pignora salutis suæ, sibi à D. N. Iesu Christo relicta, se habere intelligit. Dicit, tria è septem esse eiusmodi, vt non nisi semel suscipi, sine maximo scelere possint, Baptismū, Confirmationem, et Ordinem sacram. Pœnitētiæ, & sanctissima Eucharistie frequentiam, esse fructuosissimam, & maximè commendandam, rationibus multis, atq; etiam scripturæ testimonijs, poterit comprobare. qua de re fortasse alio loco pluribus agemus. Ad susceptionem autem Extremæ Vnctionis, ingrauescente morbo, auditores hortabitur: dicet q; non modò animæ, sed & corpori magnum afferre solatium, atque etiam remedium: cauendum maximè, nè sine hoc sacramento ex hac vita migremus: & valde optandum, atque quantum in nobis est, curandum, vt mentis compotes, in ultimo illo agone, salutari hoc medicamento recreemur: indè, si quis sacramentum illud postulet, recte conscientia indicium sumi, interdum commemorabit. Verba Apostoli, cùm de Ma-

trimo-

trimonio ager, explicabit, Melius esse nubere, quām vri-
vituperari nō posse, qui secūdis, aut tertījs etiam nuptijs,
libidinis ardorem student cobibere: valdē vituperandos
illos, qui, homines remedio, à Christo medico sibi relicto
vtentes, importunis clamoribus, & pulsationibus, quod
quibusdam in locis, nō sine magna piorum hominum of-
fensione fit, perturbant: laudandos, vt existimauit idem
Apostolus, qui mortuis vxoribus, alias non ducunt, modò
abstineant ab illecebris voluptatum, & Deo seruiant, e-
iūq; ministros adiuuent. Hæc pauca, quæ attigimus, ex-
pliabit, cùm de Euangelica lege loquetur Ecclesiasti-
cus orator: de q; numero, effectis, differentijs, ritibus, &
ministris sacramentorum, prout locus & tempus postula-
re videbuntur, ea, præ manibus Catechismum Romanum
in primis habēs, dilucidè exponet, quæ in sanctorū Theo-
logorum, præsertim scholasticorum, qui patrum senten-
tias diligentissimè examinauerūt, libris reperiuntur. Mo-
nemus etiam oratorem Ecclesiasticum, cùm de hac lege
Euangelicā sermonem habebit, caueat, nè tam multa de
Dei misericordia dicat, quin diuinam etiam iustitiam
commemoret: de excellentia fidei non tam multa loqua-
tur, quin vtilia & necessaria opera ad salutem explicet.
Instituendas ita actiones hortetur, vt charitate condian-
tur. Doceat, Deum ex toto corde, ex tota anima, ex tota
mente diligendum: deinde propriā animam, & animam
aliorum; tertio, corpus proprium; quartū, corpus proxi-
morum: Decalogum, qui est compendium optimarum re-
rum, quæ agenda in hac vita sint, seruādum. Cùm autem
de lege positiva dixerit, multa de authoritate summi
Pontificis, Christi Vicarij, & Petri legitimi successoris,

C 5 poteris

poterit in medium afferre: de qua nos alio loco dicemus:
 & ostendet, parendū canonicis legibus: quia cum diuina
 sentiunt: item ciuilibus, si ab eadem diuina lege non dis-
 crepent. Docebit postremō agenda omnia, quae cum vir-
 tute fiunt: qua autem sint praecipuae virtutes Christianae,
 statim sumus dicturi, quia de genere Demonstratio trā-
 etare iam incipimus.

De genere demonstratio, & descriptionib⁹
 quarundam Christianarum virtutum.

Cap. XX.

His explicatis, quae ad genus Deliberatuum per-
 tinent, consequens est, ut de genere Demon-
 stratio agamus: quod in laudatione, & vituperatione
 consistit. In hoc Demonstratio genere sapissimè versati
 sunt sancti viri, ut laudates seruos Dei, ipsi enim soli di-
 gni sunt laude, cali & terra Dominum, & omnium bo-
 norum principem & largitorem laudarent, atque popu-
 los ad eorum imitationē excitarent. tyrannos vero, dia-
 boli ministros, et peruersos homines vituperātes, ad gra-
 tiarum actionem, ijs ē medio sublatis, inuitarent: ut fecit
 sanctus Gregorius Nazianzenus in orationibus contra Iu-
 lianum. Cūm vero in Christiana republica nihil sit lau-
 dabile, quod à religione nō manet, & vera non sit condi-
 tū pietate; dicamus, quid sit religio, & quid pietas, et ra-
 tionem inueniendarū propositionum, quae ad veram lau-
 dem pertinet, proponamus. Est igitur Christiana religio,
 in qua nasci, maximum Dei beneficium est, dicta à reli-
 gando, quia quadam vinculo, hoc est, Christo, patri, &
 principi rerum omnium Deo iuncti sumus & religati: est
 debitus